

Ժողովուրդ

75
(2925)

6 հունիսի հինգշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉՈՒ ԵՆ ՎԱԽԵՆՈՒՄ «ՆԱԽԿԻՆՆԵՐԻ» ՎԵՐԱԴԱՐՁԻՑ



Քաղաքական դաշտում յուրաքանչյուր ակտիվության ժամանակ Նիկոլ Փաշինյանը շրջանառում է թեզեր, թե այս կամ այն առաջնորդը ուղիղ կամ անուղղակի ղեկավարվում է «Նախկինների» կողմից: Ու, հետեւաբար, հարց է առաջանում ինչու են ներկա դերակատարները վախենում «Նախկիններից»: Պարզ է, որ ցանկացած փոփոխության դեպքում խոսքը իշխանափոխության մասին է, այն իր հետ բերելու է ծանր հետեւանքներ հայրենիք հանձնող ՀՀ գործող իշխանության համար: Սակայն, հատկապես «Նախկինների» վերադարձի դեպքում, անխուսափելի է լինելու առավել դժան պատիժը գործողների նկատմամբ, որոնք իրենց գործունեության 6 տարիներ ընթացքում հայկական երկրորդ հանրապետությունը հանձնեցին թշնամուն, տվեցին մոտ 5000 զոհ, եւ նրանք շարունակում են ամենակոռումպացված ձեռով իշխանավարել՝ ոչնչացնելով մեր երկրում բոլոր տեսակի արժեքները:

Ահա թե ինչու են գործող իշխանությունները հատկապես «Նախկիններից» վախենում. նրանք առավել դժան են պատժելու գործողներին:

2021 թվականի հունիսի 20-ին կայացած արտահերթ խորհրդարանական ընտրություններում «Քաղաքացիական պայմանագիր» կուսակցության համապետական ցուցակով ընտրված, ՀՀ ԱԺ 8-րդ գումարման պատգամավոր Սիսակ Գաբրիելյանը 2023 թվականին ձեռք է բերել Նոր մեքենա՝ 12 մլն դրամ արժուրդով: Այն 2022 թվականի արտադրության է, VOLKSWAGEN մակնիշի: Մինչ այս Սիսակ Գաբրիելյանը 2021 թվականին ձեռք էր բերել 2018 թվականի արտադրության HYUNDAI մակնիշի ավտոմեքենա, որը 2023 թվականի ընթացքում վաճառել է 8 մլն դրամով: Որպես տվյալ տարվա սկզբում առկա անշարժ գույք՝ պատգամավորը հայտարարագրել է 1 բնակարան բազմաբնակարան շենքում՝ ձեռք բերված 1987 թվականին Երեւանի Շենգավիթ վարչական շրջանում եւ անհատական բնակելի տուն՝ ձեռք բերված 2021 թվականին Շիրակի մարզի Գյումրի համայնքում: Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ բաժնից հասկանում ենք, որ Գաբրիելյանի հիփոթեքով ձեռք բերված բնակարանի մայր գումարի մնացորդը կազմել է 17 մլն 990 հազար դրամ, որին կից Նշումների բաժնում պատգամավորը գրել է. «2018 թ. ձեռք եմ բերել կառուցապատողից բնակարան, այն դեռ պատրաստ չէ»: Աժ պատգամավոր եւ Նախկին լրագրող Սիսակ Գաբրիելյանի բանկային հաշիվների մնացորդները Նախորդ՝ 2022 թվականի համեմատ աճել են գրեթե 1 մլն դրամով, իսկ կանխիկ դրամական միջոցներ պատգամավորը չի հայտարարագրել: Սիսակ Գաբրիելյանի հաշվետու տարվա եկամուտները կազմել են 25 մլն 870 հազար դրամ, որից 4 մլն դրամը վարկ է «Հայեկոնսթրանկ»-ից, 8 միլիոնը մեքենայի վաճառքից ստացված գումարն է, իսկ 1 մլն 940 հազար դրամը ստացել է ՀՀ ֆինանսների նախարարությունից:



Շարունակությունը՝ ArmLur.am կայքում:

Ք-ն, գործի դնելով ձեռքի տակ ունեցած ողջ ռեսուրսները, որոշել է «հաշվեհարդար» տեսնել հայ առաքելական Եկեղեցուց: Թեեւ «թավջահեղափոխականները» դեռ 2018թ.-ին իշխանության գալուց անմիջապես հետո էին արշավ սկսել ընդդեմ Հայոց եկեղեցու եւ Վեհափառի՝ «Նոր Հայաստան, Նոր հայրապետ»... Բայց այն բանից հետո, ինչ Եկեղեցին իր բողոքի ձայնն է բարձրացնում հայրենիքի մաս-մաս հանձնման դեմ, Ք-ականներն այլեւս անթաքույց ու ամբողջ ռեսուրսով հարձակման են անցել ընդդեմ եկեղեցու: Նախ տարբեր արժեքներով հեգնում եւ թիրախավորում են Վեհափառին եւ հոգեւորականներին, խայտառակ ձեռով խոչընդոտում են Վեհափառի մուտքը Սարդարապատի հուշահամալիր, եկեղեցու կողմից բարձրացված բողոքի ձայնի ֆոնին «հանկարծ» հիշում են եկեղեցին հարկելու մասին: Այս ամենը, սակայն, Ք-ին բավարար չէ, որոշել են տարբեր միջոցներով կոխվ տալ եկեղեցու դեմ: Երեկ ԱԺ-ում Ք-ական պատգամավոր Արսեն Թորոսյանը, որն ԱԺ ամբիոնից 2021 թվականին հայտարարեց հայտարարում էր, որ աթեիստ է, առաջարկել է փակել հոգեւոր-մշակութային ուղղվածություն ունեցող «Շողակաթ» հեռուստաալիքը, որով հիմնականում Աստվածաշնչյան եւ կրոնական հաղորդումներ են ցուցադրվում: Ք-ական պատգամավորն առաջարկում է «Շողակաթին» հատկացվող գումարը տրամադրել իրենց «խոսափողը» հանդիսացող ՀՀ-ին: «Հի՛ լինի՛ այդ 206 միլիոնը տանք Հանրայինին, ինքը հարստացնի իր մշակութային, կրթական հաղորդումների բազան, ավելի շատ պրոդուկտ տա ու «Շողակաթի» հարցը փակելն ընդհանրապես», - երեկ ԱԺ-ում դիմելով Հանրային հեռարձակողի խորհրդի նախագահ Արա Շիրինյանին՝ հայտարարեց Ք-ական պատգամավոր Արսեն Թորոսյանը: Այս ամենից կարող ենք մի հետեւություն անել՝ Նիկոլ Փաշինյանի իշխանությունը գրեթե բոլոր ոլորտների հետ «հաշվեհարդար» տեսել է, հիմա հերթը հասել է եկեղեցուն:



ՊԲ նախկին հրամանատար Միքայել Արզումանյանի դեմ հարուցված քրեական գործով՝ Արեգասարի բարձունքի հանձնման գործընթացի ընկալման շրջանակում Հակակոռուպցիոն դատարանը ծանուցումն այս անգամ ուղարկել է Արցախի «Եղիկներ» զորամասի փոխգնդապետ Սերոբ Բազիկյանին: «Եղիկներ» զորամասի հրամանատար, Արցախի հերոս Կարեն Զալալյանին՝ Քրիստիան հարցաքննելուց հետո՝ հերթը նրանն է: Նշենք, որ գործը քննվում է դռնփակ դատական նիստի շրջանակում: Հիշեցնենք, որ Արցախի ՊԲ հրամանատար Միքայել Արզումանյանը մեղադրվում է 2020 թվականի հոկտեմբերի 30-ից մինչեւ նոյեմբերի 9 ընկած ժամանակահատվածում Շուշի քաղաքի եւ հարակից շրջանների պաշտպանության կազմակերպման ընթացքում իր ծառայողական պարտականությունների նկատմամբ անփույթ վերաբերմունք դրսևորելու համար, ինչի հետեւանքով, ըստ քննչական կոմիտեի՝ հակառակորդի զինված ուժերն ամբողջությամբ իրենց վերահսկողության տակ են վերցրել Շուշի քաղաքը եւ մատուցները, հայկական ստորաբաժանումներն ունեցել են զոհեր եւ վիրավորներ:



ԶՐՈՒՅՑ

ՄԱՐՄԱՆԱԶԱՏՈՒՄԸ ԸՆԴՈՂ ՓՈՐՉ Է ԸՄՄԱՐՈՒՄ

Անցյալ շաբաթ Ադրբեջանի նախագահ Իլհամ Ալիևը Արցախի նախկինում Իվանյան, այժմ Խոջալու վերանվանված քաղաքի սեղանակալի արքեպիսկոպոստի հետ հանդիպման ժամանակ հայտարարել է, որ Հայաստանը ողբ է ճանաչի եւ ներողություն խնդրի այսօր կոչված «Խոջալուի ցեղասպանության» համար:

«Հայաստանն ինքը պետք է դա ընդունի, պետք է ներողություն խնդրի մեզից», - ասել է Ալիևը եւ հավելել. «Եթե նրանք դա չանեն, ապա կարծում եմ Հայաստանը երբեք չի կարողանա ուղի կանգնել»:

Ադրբեջանի նախագահը իր ելույթի ընթացքում նաեւ կարծիք է հայտնել, որ 2020 թվականի 44-օրյա պատերազմի ժամանակ, չնայած հաջողվել է Հայաստանին լուրջ պարտության մատնել, սակայն դեռեւս տարածքային պահանջների փորձեր են կատարվում:

«Վստահ եմ, որ Հայաստանն այլեւս երբեք չի փորձի որեւէ ռազմական սարքանք իրականացնել Ադրբեջանի դեմ: Մենք նաեւ հետեւում ենք վերջին իրադարձություններին, տեսնում ենք, որ փորձեր են արվում հերթական անգամ տարածքային պահանջներ ներկայացնելու մեր նկատմամբ: Չնայած՝ Հայաստանում ռեւանշիստները բավականին շատ են. ուստի մենք պետք է պատրաստ լինենք ցանկացած պահի», - ասել է Ալիևը:

Այս մասին «Ժողովուրդ» օրաթերթը գրուցել է ՀՀ ԱԺ «Քաղաքացիական պայմանագիր» խմբակցության պատգամավոր Վաղարշակ Հակոբյանի հետ:

«Պարոն Հակոբյան, մտա մեկ շաբաթ առաջ Ադրբեջանի նախագահը հերթական մտացածին հայտարարությունը արեց՝ ասելով, որ հայկական կողմը պետք է ներողություն խնդրի հայկական ջարդերի համար, որին հայկական կողմից որեւէ արձագանք չի հաջորդել:

«Բաժարձակ համաձայն չեմ Ձեզ հետ, որ արձագանք չի եղել, եթե չեմ սխալվում, մեր պաշտոնական գերատեսչությունները, ԱԳՆ-ն արձագանքել են: Որքանով որ ես եմ տեղյակ, արձագանքել են եւ ԱԳՆ-ի հայտարարությանը որպես աշխարհի



հետ շփման մեր գլխավոր խողովակ. ինքս ավելացնելու բան չունեմ:

-Մինչ մենք անդադար խոսում ենք խաղաղության մասին, Ադրբեջանը նոր պահանջներ է դնում՝ «Սահմանադրություն փոխել», «Խոջալուի ջարդերը ճանաչել»:

-Տավուշում մենք բազմաթիվ դժվարությունների գնով իրականացրինք եւ իրականացնում ենք սահմանազատման եւ սահմանագծման աշխատանքներ եւ, երբ Հայաստանի Հանրապետությունը խոսում է խաղաղության մասին, ապա այդ խաղաղությունը գործնականորեն արտահայտվում է հենց այս գործընթացներում: Հորդորում եմ հանրությանն ու լրագրողներին՝ կենտրոնանալու այն քայլերի վրա, որոնք կատարվում են: Խաղաղության պայմանագրի հիմքում ընկած է այդ ամբողջ գործընթացը, մենք պետք է տվյալ հարցերը պարզենք, սահմանագծենք եւ խաղաղու-

թյան պայմանագիրը, որը բանակցվում է, լիազորվում էմ որ հաջողվելու է ավարտին հասցնել:

-Պարոն Հակոբյան, սակայն այդ ամենը քաղաքացիների իրավունքների ոտնահարմամբ է կատարվում: Ահազանգերը շատ են, որ առանց զգուշացնելու մոտենում եւ քանդում են իրենց տները:

Դա բացարձակապես չի համապատասխանում իրականությանը: Խնդրում եմ այդ թեզը չտարածել: Նախ՝ բազմաթիվ հանդիպումներ են եղել քաղաքացիների եւ պետության ղեկավարի միջեւ, եւ պետական գերատեսչությունների ներկայացուցիչներ 24 ժամյա գրաֆիկով գտնվում են այնտեղ, պատասխանում են բոլոր հարցերին: Ուզում եմ Նշել նաեւ, որ մեր գյուղացիների հետ ամեն բան համաձայնեցված է եւ չպարզաբանված ու չմեկնաբանված հարց չկա:

Ջրուցեց ՔՐԻՍՏԻՆԱ ՍՈՒՇԵՂՅԱՆԸ

ԲԱՐԱՆԻՍՈՒՄ ՄԱՐՄԱՆԱԶԱՏՈՒՄԸ ԱՎԱՐՏՎԵԼ Է

Տավուշի մարզի Բաղանիս գյուղում սահմանազատման ավարտվել է արդեն:

«Ժողովուրդ» օրաթերթի հետ զրուցում ասաց Բաղանիս գյուղի վարչական շրջանի ղեկավար Գեորգ Սահակյանը:

Հարցին, թե այդ հատվածում շատ են զինվորները եղել, Սահակյանն ասաց. «Այդ հարցին դժվար է պատասխանել, քանի որ տեղյակ չեմ, ես ասել եմ, որ զինվորի արյունով գրած սահմաններն են ճանաչում, նոր սահմանները ես չեմ ճանաչում», - ասաց նա:

Հիշեցնենք, որ Տավուշի մարզի Բաղանիս վարչական շրջանի ղեկավար Գեորգ Սահակյանը հրաժարվել էր միանալ Տավուշում սահմանազատման աշխատանքներ իրականացնող աշխատանքային խմբին:

ԳՈՒՐՄ ԵՆ ԵԿԵԼ ՆԵՐՔԻՆ ԸՆՆԻՑ

Սյունիքի մարզի Ներքին Հանդից ռուս սահմանապահները դուրս են եկել: Այս մասին լրագրողներին ասաց Սյունիքի մարզպետ Ռոբերտ Ղուկասյանը:

«Որտեղ տեղակայվել էին 44-օրյա պատերազմից հետո՝ դուրս են եկել, Ներքին Հանդից էլ են դուրս եկել, հիմա այնտեղ ռուս սահմանապահներ չկան», - ասաց նա:

Հարցին՝ կան տեղեր, որ դուրս չեն եկել՝ մարզպետն ասաց, թե հստակ չի կարող ասել:

«Տեսե՛ք՝ եթե կա ինչ-որ տեղ, որտեղ եղել են, կարող է 80 տոկոսը դուրս գա, մյուսները մասն, մինչեւ հաջորդները դուրս գան, չեմ կարող հստակ ասել, բայց Ներքին Հանդից դուրս են եկել», - ասաց Ռոբերտ Ղուկասյանը:

ԱԶԱՆՑՈՒԹՅՈՒՆ ՊԻՏԻ ՏԱՆ ՆԱԵՎ ԱԳՐԲԵՋԱՆԻՆ

Հունգարիայի արտաքին գործերի եւ առևտրի նախարար Պետեր Սիյարտոն հայտարարել է, որ բացի Հայաստանից, խաղաղության եվրոպական հիմնադրամի աջակցությունը պետք է տրամադրվի նաեւ Ադրբեջանին: Նա այս մասին ասել է Բաքվում իր ադրբեջանցի գործընկեր Ջեյհուն Բայրամովի հետ համատեղ ասուլիսում:

Նա անդրադարձել է խաղաղության եվրոպական հիմնադրամի կողմից Հայաստանին 10 մլն դոլարի չափով օգնության հարցին:

«Մենք կարծում ենք, որ նույն օգնությունը պետք է ցուցաբերվի նաեւ Ադրբեջանին», - ասել է հունգարացի նախարարը:

Սիյարտոն հավելել է, որ հիմնական խնդիրը, որի վրա Հունգարիան աշխատելու է որպես Եվրամիության խորհրդի նախագահ, կլինի աջակցելը պետությունների միջեւ խաղաղության եւ համագործակցության հարցերում նախաձեռնություններին:

ԵԿԱՄՈՒՏՆԵՐՆ ԱՎԵԼԱՑԵԼ ԵՆ

ՆԱԽԱՐԱՐԻՆ ՊԱՏԿԱՆՈՂ ԸՆԿԵՐՈՒԹՅՈՒՆԸ

Գրեթե 3 տարի ղեկավարելով Երզնկա միջավայրի նախարարությունը՝ Հակոբ Միմիդյանը զգալի ավելացրել է սեփական եկամուտները:

2021 թվականի դեկտեմբերի 10-ից ստանձնել է նախարարի պարտականությունները եւ առ այսօր ստացել տարեկան 20 մլն դրամ, սակայն այս տարի 2023 թվականի հայտարարատու տարվա եկամուտների, գույքի, ծախսերի եւ շահերի հայտարարագրում Միմիդյանի աշխատանքի վարձատրությունը ՀՀ շրջակա միջավայրի նախարարությունից կազմել է 21 մլն 323 հազար դրամ: Նախորդ տարվա հայտարարագրում աշխատանքի վարձատրությունը կազմել է 20 մլն 676 հազար դրամ:

Ստացվում է, որ մեկ տարում շրջակա միջավայրի նախարարի աշխատանքի վարձատրությունը ավելացել է գրեթե 647 հազար դրամով:

Նախարարի կանխիկ դրամական միջոցները կազմել են 500 հազար դրամ,

բանկային հաշիվների մնացորդները կազմել են 1 մլն 931 հազար դրամ:

Հակոբ Միմիդյանը ամուսնացած է, ունի 1 երեխա, սակայն հայտարարագրում համատեղ բնակվող անձանց մասին որեւէ տեղեկություն չկա:

Հայտարարատուի կողմից տվյալ տարվա ընթացքում 90 օրից ավելի, փաստացի տիրապետվող 1 անշարժ գույք՝ բնակարան է հայտարարագրվել:

Հակոբ Միմիդյանը հայտարարագրել է 2013 թվականին գնված 1991 թվականի արտադրության BMW մակնիշի մեքենա, որը բոլոր հայտարարագրերում ներկայացված է:

Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 5 մլն 757 հազար դրամ, որը դեռ 2022 թվականի հայտարարագրում առկա՝ «Հայէկոնոմ» բանկից ստացված 8 մլն դրամ վարկի մնացորդն է:

Հակոբ Միմիդյանը 2014 թվականից ստանձնել է «ԼԵ ՏԻՍԻՍ» ՍՊԸ-ի 30% բաժնեմասի կառավարումը, սակայն մի-

այն 2023 թվականին հավատարմագրման է հանձնվել «ՄԱԳՆԻՏ 2020» ՍՊԸ-ին:

Ըստ ՀՀ պետական եկամուտների կոմիտեի՝ «ԼԵ ՏԻՍԻՍ» ՍՊԸ-ն զբաղվում է «Մեծածախ եւ մանրածախ առևտրով, Ավտոմեքենաների եւ մոտոցիկլետների նորոգում», առավել մանրամասն այն զբաղվում է այլ մանրածախ առևտրով ոչ մասնագիտացված խանութներում: Իսկ «ՄԱԳՆԻՏ 2020» ՍՊԸ-ն զբաղվում է «ձեռնարկատիրական գործունեությանն օժանդակող լրացուցիչ այլ գործունեություն՝ չներառված ուրիշ խմբավորումներում» գործունեությամբ: ՀՀ կառավարության էլեկտրոնային ռեգիստրի տեղեկանում ենք, որ ընկերությունը գրանցված է ոմն Կարեն Մարտիրոսյանի անունով:

Ընկերության տնօրենը «Երեւանի ոսկերչական ֆաբրիկա» ՍՊԸ-ի 50% բաժնետեր Լեւոն Գագիկի Սարգսյանն է: Հավելենք, որ այս ընկերությունը տարածք է վարձակալել հայտնի «Ծաղկի շուկայի» կայանատեղիում:

ԷՄՄԱ ՄԻՔԱՅԵԼՅԱՆ

ՄԵՂԱԳՐԱՆՔ

ԹԵՍԿԱՆՈՐԵՆ ԵՆ ՎԵՐԱԲԵՐՎՈՒՄ ՈՐՈՇՄԱՆԸ

Ինչպես ավելի վաղ գրել էր ArmLur.am-ը, ֆինչական կոմիտեի նախագահ Կոմիտեի ԵՔԲՎ Մրաբկի վարչական քրեանի ֆինչական բաժնում ֆինչական փրականացված ֆինչական եւ վարուբային ծավալուն գործողություններով բացահայտել են Մրագած Մխոյանի կողմից խաբեության եւ, վստահությունը չարահանելու եղանակով, ուրիշի գույքի առանձնադեպ խոսքը չափերի հափեսակություններ կատարելու մի ֆանի դեղեր:



Մասնավորապես՝ նախաքննության ընթացքում ձեռք բերված տվյալների համաձայն՝ Ա.Ա.-ն, հանդիսանալով Երեւան քաղաքի Արաբկի 43-րդ փողոցի 42/2 հասցեում կառուցվող բազմաբնակարան շենքի կառուցապատող եւ սեփականատեր, երկու ՄՊԸ-ի հիմնադիր տնօրեն, 2010-2014թթ. ընթացքում 6 անձանցից բնակարաններ եւ ավտոկայանատեղիներ ձեռք բերելու դիմաց՝ ստացել է ընդհանուր 274.712.000 դրամ, մեկ դեպքում էլ, բնակարանը վերանորոգելու համար՝ 6800 ԱՄՆ դոլար գումար: Սակայն, հետագայում նշված գումարները մուտք չի արել ընկերությունների հաշվեհամարներին կամ դրամարկղ եւ հափշտակելով դրանք՝ տնօրենի է սեփական կարիքների համար: Այդ կերպ, քաղաքացիներին պատճառվել է առանձնապես խոշոր տարբեր չափերի գույքային վնաս:

«Ժողովուրդ» օրաթերթը գրուցել է ԱԺ նախկին պատգամավոր Արագած Մխոյանի փաստաբան Բենիկ Գալստյանի հետ՝ պարզելու՝ արդյոք ընդունում է Վխոյանն իրեն առաջադրված մեղադրանքը:

Մեզ հետ զրույցում Վխոյանի փաստաբանն ասաց. «Մեղադրանքի մասով չի ընդունում մեղավորության մասը, այսինքն՝ նշվում է, որ սա քաղաքացիարավական խնդիր է՝ անձանց հետ պարտքային հարաբերություններ ունեն, ու այստեղ իրապես ուրիշ խնդիր ունենք: Տուժողների գերակշիռ մասը, այնպես է, որ գումարները վերցրել է, հետագայում որոշակի գումարներ հետ է վերադարձրել, ընդհանուր շրջանառություն է իրար մեջ տեղի ունեցել, ընդ որում՝ տուժողների մի մասը նշում է, որ բնակարան պետք է տրամադրվեր այդ անձանց, բայց չի տրամադրվել: Հիմա տուժող կա, որ, օրինակ, 4 բնակարան է գնել, որից, դիցուք, 2 բնակարանները տրվել են այդ տուժողին: Կամ տուժող կա, որին բնակարանը տրվել է, ավտոտնակը չի տրվել վերջնադրույնքում, ինչը պայմանավորված է հիմնական ընկերության սնանկության գնալով, ընդ որում՝ սնանկությունը եղել է հարկադիր սնանկություն»:

Փաստաբան Գալստյանից նաեւ հետաքրքրվեցին՝ կարո՞ղ է արդյոք այս ամենը համարվել քաղաքական հետապնդում, ինչին ի պատասխան՝ փաստաբանն ասաց, որ նման գնահատականներ չի ուզենա տալ:

«Զեմ ուզի նման գնահատականներ տալ, որովհետեւ Արագած Վխոյանի հետ էլ պետք է քննարկել ու հասկանալ: Միգուցե սա կարող է լինել այլատիպ վերաբերմունք անձի նկատմամբ: Ես իմ պրակտիկայում չեմ հանդիպել, բայց կան դեպքեր, երբ բազմաբնակարան շենքերի շինարարության խնդիր է եղել, անձը չի կարողացել իր պարտականությունները կատարել եւ նրա նկատմամբ նույնիսկ մեղադրանք է առկա, բայց խափանման միջոցը շատ ավելի մեղմ է: Այսինքն՝ այսպես ասած, այլ մոտեցման խնդիր, միգուցե, առկա է այս տեսանկյունից»:

ՀԱՆՐԱՅԻՆ ՄԻՋՈՑԱՌՄԱՆ ԽԱՓՈՒՆՈՒՄ

4 ՄԱՄՆԱԿԻՑ ԿԱԼԱՆԱՎՈՐՎԵՑ

ՀՀ ֆինչական կոմիտեի նախագահ Կոմիտեի ԵՔԲՎ ԵՔԲՎ Մրաբկի 31-ին ՀՀ արտաքին գործերի նախարարության ԵՔԲՎ զինվորական կազմակերպված ակցիայի ընթացքում մի խումբ անձանց կողմից կատարված խմբակային խուլիգանության առերեսույթ 5 մասնակիցների նկատմամբ ՀՀ ֆրեական օրենսգրքի 297-րդ հոդվածի 2-րդ մասի 1-ին կետով ֆրեական հետադնդում հարուցվելու վերաբերյալ:

անձանցից 3-ի նկատմամբ որպես խափանման միջոց է ընտրվել կալանքը, մեկի նկատմամբ՝ տնային կալանքը:

Հիշեցնենք, որ ՀՀ քննչական կոմիտեի ՀՀ քննչական գլխավոր վարչությունում ընկնող քրեական վարույթի շրջանակում նշված անձինք մեղադրվում են այն բանի համար, որ «Տավուշը հանուն հայրենիքի» շարժման շրջանակում, 2024 թվականի մայիսի 31-ին՝ ժամը 16:00-ի սահմաններում, ՀՀ արտաքին գործերի նախարարության շենքի դիմաց կազմակերպված ակցիայի ընթացքում, նրանք, այլ անձանց հետ խուլիգանություն կատարելու ուղղակի դիտավորությամբ, հասարակության նկատմամբ անհարգալից, իրավական եւ բարոյական նորմերի նկատմամբ բացահայտ արհամարհական վերաբերմունք ցուցաբերելով, անտեսելով ոստիկանության ծառայողների կողմից պատշաճ վարքագիծ դրսևորելու եւ հասարակական կարգը չխախտելու պահանջները՝ անպարկեշտ արտահայտություններ եւ հայիտյանքներ են հնչեցրել, շիջ եւ տարբեր առարկաներ նետել տեղում ծառայություն իրականացնող ՀՀ ՆԳՆ ոստիկանության ծառայողների եւ ՀՀ արտաքին գործերի նախարարության շենքի ուղղությամբ:

Վարույթն իրականացնող մարմնի կողմից կայացվել էր, դատարան ներկայացնելու հիմքով, այդ անձանց ձերբակալելու վերաբերյալ որոշում: Նշված 5 անձանցից 4-ը ձերբակալվել է: Դատարան միջնորդություն է ներկայացվել՝ նրանց նկատմամբ կալանքը որպես խափանման միջոց ընտրելու վերաբերյալ: Միջնորդությունների քննարկման արդյունքում, դատարանի որոշումներով՝ նշված

● Ըստ ոստիկանության տվյալների՝ հունիսի 4-ից 5-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 114 դեպք, որից 9-ը՝ նախկինում կատարված:

ԹԵԿՆԱԾՈՒՆԵՐ

ԻՇԽԱՆՈՒԹՅԱՆ «ՄԲՏԻ ԳԱՏԱՎՈՐՆԵՐԸ»

ԱԺ է ներկայացվել 3 դատավորի թեկնածություն, որոնք հավակնում են դառնալու Վճռաբեկ դատարանի հակակոռուպցիոն պալատի կոռուպցիոն հանցագործությունների քննության դատական կազմի դատավոր: Նրանք են՝ Արմեն Դանիելյանի, Ռուբիկ Մխիթարյանի եւ Մանվել Շահվերդյանի բարեվարքության վերաբերյալ խորհրդատվական եզրակացություններին ծանոթանալու մասին:

«Ժողովուրդ» օրաթերթը ներկայացնում է, թե ովքեր են նրանք:

Դատավոր Արմեն Դանիելյանը հանրության մեջ աչքի ընկավ ՀՀ 2-րդ ևախագահ Ռոբերտ Քոչարյանին կալանավորելով: Եվ, առհասարակ, Արմեն Դանիելյանը սովորություն ունի անկատար չթողնել որեւէ ԶԳ-ականի ցանկություն:

Արմեն Դանիելյան

Առանց անձի մասին լսած լինելու, նրա իրավունքն ապահովելու՝ մարդուն կալանավորելու պրակտիկան Արմեն Դանիելյանը շարունակեց կիրառել: «Հայաստան» խմբակցության պատգամավոր Արթուր Սարգսյանը նրան ԱԺ ամբիոնից հիշեցրեց, թե ինչպես առանց իրեն լսելու կալանք իրականացրին: Արթուր Սարգսյանի վերաբերյալ կայացրած կալանքի որոշումն Արմեն Դանիելյանի համար դարձավ կարգապահական վարույթ հարուցելու թեմա, ԲԴԽ-ն, սակայն, 2022թ. մայիսի 12-ին, իհարկե, մերժեց Վերաքննիչ քրեական դատարանի դատավոր Արմեն Դանիելյանին կարգապահական պատասխանատվության ենթարկելու մասին միջնորդությունը:

Նշենք, որ նա ԲԴԽ անդամ էր ընտրվել օրերս:

Թեկնածուներից Մանվել Շահվերդյանը հանրությանն առավել հայտնի դարձավ, երբ քննեց Նիկոլ Փաշինյանի որդու՝ Աշոտ Փաշինյանի առեւանգման գործը:

Մանվել Շահվերդյան

Իսկ ահա, դատավոր Ռուբիկ Մխիթարյանը հանրությանը առավել հայտնի դարձավ հայտնի գրագրությունից: Բանն այն է, որ դատական համակարգը լքեցին դատավորներ, որոնց հեռացման պատճառը խորը արմատներ ունեն: Մասնավորապես՝ Ռուբիկ Մխիթարյանի «թեթեւ ձեռքով» իշխանություններին է հասել գրագրություն, որտեղ դատավորները ներքին քննարկումներ են ունեցել, հայիտյանքներ են հնչել իշխանության հասցեին: Եվ ահա, ըստ մամուլի տեղեկությունների՝ գրագրությունը իշխանություններին հասցրել է Ռուբիկ Մխիթարյանը:

Ռուբիկ Մխիթարյան

Եվ ահա, դատական համակարգում այս քառույցի հետո, Մխիթարյանը ԲԴԽ անդամ դառնալու դիմումը հետ էր վերցրել, քանի որ դատական համակարգը բավականին քննադատաբար է մոտեցրել նրա այս քայլին ու, առհասարակ, չեն շփվում նրա հետ. ուստի, գիտակցելով, որ նրան չեն ընտրի, վերջինս հրաժարվել էր գնալ ԲԴԽ:

ՀԱՍԱՐԱԿՈՒԹՅՈՒՆ

ՄԱՐԶ

ՎԵՆԱՎԵԼԷ ԽԱՆԹԱՌԱՆԻ ԿԱՍՈՒՐՋԸ

Իջեան համայնքի խաջթառակ գյուղը գեղեցիկ բնություն ունի, բնակավայրը երբեմն կատակով կոչում են «Յայկական Յոլիվուդ», այդտեղ են նկարահանվել «Մենք ենք մեր սարերը», «Տղամարդիկ» ֆիլմերից հատվածներ և բազում այլ ֆիլմեր: Մայիսի 26-ի ջրհեղեղից միջպետական ավտոճանապարհը խաջթառակ գյուղին կապող կամուրջը վնասվել է, այդտեղով երթևեկն արգելված է: Խաջթառակի վարչական ղեկավար Անդրանիկ Վիրաբյանն ասաց, որ իջեանի համայնքապետարանը մասնագետների է հրավիրել, որոնք ուսումնասիրել են կամրջի վնասվածության աստիճանը և դրա վերականգնման հնարավորությունները: Իջեանի համայնքապետարանը խաջթառակը իջեան քաղաքին կապող այլընտրանքային ճանապահ է բացել: Այդ աշխատանքների շնորհիվ խաջթառակից 7 կմ անցնելուց հետո՝ հասնում են իջեան քաղաքի «Ռեմբազի թաղ»: Յամայնքապետարանն այժմ աշխատանքներ է կատարում այդ ճանապարհը բարելավելու, հարթեցնելու համար: Ա. Վիրաբյանն ասաց, որ խաջթառակցիների մեծամասնությունը գերադասում է ավտոմեքենայով հասնել վնասված կամուրջ, ոտքով անցել այն, կամրջի մյուս կողմում նստել իջեանից պատվիրած մեքենան:

ՀԵՐՈՍԻ ՈՐԳՈՒՆ ԶԵՐԲԱԿԱԼԵԼ ԵՆ ՀԱՐՑ ՏԱԼՈՒ ՀԱՄԱՐ

Երեւանում ցույցերին մասնակցելիս 72 ժամով ձերբակալել են սահմանամերձ Ոսկեպարից 2 երիտասարդների՝ Ալեն Աղբալյանին և Մանվել Ալավերդյանին: Նրանք ձերբակալման ժամկետը լրացավ հունիսի 3-ին. երիտասարդներն ազատ են արձակվել: Արենը Ռուսաստանում բնակվող ոսկեպարցի մեծահարուստ Յուրա Աղբալյանի եղբոր որդին է: Յուրա Աղբալյանը Ռուսաստանում բնակվող ոսկեպարցի 3 այլ հարուստների հետ 2021թ. հունիսի 20-ի խորհրդարանական ընտրություններից առաջ Ռուսաստանից Ոսկեպար էր եկել՝ ԶՊ-ի օգտին քվեարկելու համար ոսկեպարցիներին ուղղորդելու նպատակով, ինչն էլ նրանք արեցին: Սակայն Արեն Աղբալյանը դեմ է Նիկոլ Փաշինյանի կողմից սահմանազատման անվան տակ Տավուշի սահմանագոտուց Ադրբեջանին տարածքներ հանձնելուն: Մյուս ձերբակալվածը Ոսկեպարի լեգենդար հերոս, 1993 թվականին զոհված Յուրա Ալավերդյանի որդին է՝ Մանվելը: Մանվելը այս տարվա մայիսի 25-ին Ոսկեպարում Նիկոլ Փաշինյանին հարց-մեղադրանք է ուղղել, ասելով. «Քո ռեժիմը ադրբեջանցիներին մոտեցրել է իմ տանը»: Ոսկեպարի բնակիչները կարծում են, որ այդ հարց-մեղադրանքի համար էլ Նիկոլ Փաշինյանը հրահանգել է ձերբակալել հերոս Յուրա Ալավերդյանի միակ որդուն:

ՈՍԿԻՍ ՄԱՐԿՅԱՆ Տավուշ

ԳԵՐՄԱՆԱՑԻ ԻՐԱՎԱՊԱՇՏՊԱՆՆԵՐ

ԲԱՔՎԻ ՀԱՅ ԲԱՆՏԱՐԿՅԱԼՆԵՐԻ ԱԶԱՏ ԱՐՉԱԿՄԱՆ ԿՈՉ

Բոննում անցկացվող Կլիմայի փոփոխության կոնֆերանսի համատեղությամբ Գերմանիայի ֆաղաֆաղիական ակտիվիստներն ու իրավապաշտպանները Ադրբեջանից և անձամբ նախագահ Իլհամ Ալիևից դահանջել են ազատ արձակել հայ բանտարկյալներին: Բոննի այս կոնֆերանսի օրակարգում փորձագետները սահմանում են COP29-ի հանդիպումների օրակարգը, որը ճեղի է ունենալու նոյեմբերին, Բաքվում:

Գերմանահայ կենտրոնական խորհրդի նախագահ Ջոնաթան Սպանբենբեգը կոչ է արել համաժողովի մասնակիցներին, միջազգային հանրությանը և իրավապաշտպան կազմակերպություններին ուշադրություն դարձնել այն փաստին, որ COP29-ն անցկացվելու է մի երկրում, որտեղ մարդու իրավունքները կոպտորեն խախտվում են:

«Ցավալի է, որ ՄԱԿ-ը նման կարեւոր կոնֆերանսը կազմակերպում է մի երկրում, որտեղ մարդու իրավունքները ոտնահարվում են բոլոր հնարավոր վատթարագույն ձևերով: Երկիր, որը ցեղասպան քաղաքականություն է վարում հայերի ու Յայաստանի նկատմամբ, որը բոլորովին վերջերս էթնիկ զտումներ իրականացրել էր Լեռնային Ղարաբաղի 120 հազար հայերի նկատմամբ, որը հենց այս պահին ոչնչացնում է հայերի պատմական հուշարձանները: Երկիր, որը հենց այս պահին էլ Բաքվի բանտերում է պահում հայ բանտարկյալներին ու պատանդներին, այդ թվում՝ Լեռնային Ղարաբաղի նախկին ղեկավարներին: ՄԱԿ-ի Կլիմայի փոփոխության մասին շրջանակային կոնվենցիայի, այսպես կոչված, օժանդակ մարմիններին հանդիպում են բոննում: Այս կոնֆերանսը, որն անցկացվում է COP29-ին ընդամենը, ընթանալու է միևնույն հունիսի 30-ը. այստեղ են լինելու ավելի քան վեց հազար պատվիրակներ աշխարհի բոլոր անկյուններից, որոնք նախապատրաստելու են Բաքվում անցկացվելիք



COP29-ի օրակարգը: Այս առիթով, մենք՝ որպես Գերմանահայ կենտրոնական խորհրդի ներկայացուցիչներ, առաջին նամակն ենք ուղարկել Գերմանիայի Բունդեսբանդի բոլոր պատգամավորներին: Բոննում շաբաթվա ընթացքում լինելու են նաև ուրիշ գործողություններ: Ի՞նչ կարող եք դուք անել: Առաջինը՝ դուք կարող եք ձեր սոցիալական մեդիայի էջերում գրառումներ անել՝ հասցեագրելով խնդիրը, նկարներ դնել COP29 հեջթեգով, անձնապես կապ հաստատել ձեր շրջանի պատգամավորի հետ՝ տալով նրան մի պարզ հարց. «Ի՞նչ եք անում դուք, որ Բաքուն անհապաղ կերպով ազատ արձակի Բաքվի բանտերում պահվող հայ բանտարկյալներին ու պատանդներին, որոնք ցեղասպանության զոհեր են»: Կարող եք կապ հաստատել

ձեր երկրների պատվիրակների, ՅԿ-ների և Կլիմայի հարցերով ակտիվիստների հետ, որոնք մասնակցելու են Բաքվի կոնֆերանսին կամ որոնք այսօր մասնակցում են կամ առաջիկա շաբաթներին մասնակցելու են Բոննի կոնֆերանսին: Դուք ինքներդ կարող եք կազմակերպել ձեր երկրներում մեծ և փոքր բողոքի ակցիաներ, խրախուսել ձեր ընկերներին ու ընտանիքներին նույնիսկ միջազգային մակարդակի վրա կարող է մտահոգել ցանկացած մարդու», - ասել է Ջոնաթան Սպանբենբեգը: Նա նշել է, որ հաջորդ ակցիան Բոննում տեղի կունենա հունիսի 7-ին՝ Յամաշխարհային կոնֆերանսների կենտրոնում:

ԷՄՍՍ ՄԱՐՏԻՐՈՍՅԱՆ

ԼՈՒՐԵՐ ԶՈՒՐԸ ԳԵՌՄԱՆԱՑԻ ՄԱՐԿՅԱՆՑ ԲԱՆԵՐՆ Ե ԼՅՎՈՒՄ

Աջափնյակ վարչական շրջանի Սիլիկյան թաղամասի բնակիչ Էդուարդ Եղիազարյանը «Ժողովուրդ» օրաթերթին ահազանգում կրկին ահազանգում է: Ինչպես 1 օր առաջ գրել էինք՝ Սիլիկյան թաղամասի առաջին փողոցի 2ա տան բակի ամբողջությամբ պատված էր անձրեանքով, որի պատճառով հարեանի կողմից իրականացված զոդումն էր. դրա հետևանքով ողջ շուրջ լցվում է տան բակը: Երեկ «Ժողովուրդ» օրաթերթին ահազանգած քաղաքացին պատմել է, որ այս անգամ էլ կոյուղու խողովակներն են վնասվել ու կոյուղաջրերը լցվում են բակ: «Յենց հիմա խցանվել է խողովակը, ջուրը լցվում է բակ, մի քանի ժամ հետո կքարծրանա կլցվի տուն»:

խատակազմի քարտուղար Գրիգոր Գապարյանի հետ, վերջինս պատասխանեց, որ տեղյակ է խնդրից, կառուցապատողին կանչել են թաղապետարան՝ խնդրին լուծում գտնելու համար:

ԱԿԱԳԵՄԻԱԿԱՆ ԶԱՂԱՔԻ ՀԱՏԱԿԱԳԻԾԸ

Յայաստանում նախատեսվող Ակադեմիական քաղաքի գլխավոր հատակագծի վերջնական տարբերակը պատրաստ կլինի հուլիս ամսին: Այս մասին ասաց Կրթության, գիտության, մշակույթի և սպորտի նախարար Ժաննա Անդրեասյանն ԱԺ մշտական հանձնաժողովների համատեղ նիստում «ՀՀ 2023 թվականի պետական բյուջեի կատարման մասին» տարեկան հաշվետվության քննարկման ժամանակ: Նա հիշեցրեց, որ 2023 թվականին ստեղծվել է «Ակադեմիական քաղաք» հիմնադրամը, որը «Ակադեմիական քաղաք» ծրագրի հիմնական իրականացնող մարմինն է:

«Յայեցակարգային աշխատանքներն իրականացվեցին «Ակադեմիական քաղաք»-ի պատկերացումը և հայեցակարգն ամրագրելու համար: Մենք նաև ունեցանք առաջին պայմանագրերը: Այս պահին արդեն պարզ է, որ հուլիսին կունենանք գլխավոր հատակագծի վերջնական տարբերակը», - ասաց նախարարը: Զուգահեռաբար շրջանառվում են մի քանի նախագծեր, որոնք հնարավորություն են տալու պայմանագրեր ունենալ տրանսպորտային նախագծի հետ կապված, քաղաքի ամբողջական կառավարման, քաղաքաշինական զարգացման ուղղություններով: Բոլոր այս ուղղություններով նախարարությունն աշխատում է միջազգային գործընկերների հետ: «Աշխատանքների ընթացքը ցույց է տալիս, որ «Ակադեմիական քաղաք»-ի ուղղությամբ մենք բավականին որակյալ նախապատրաստական փուլում ենք, որը նաև իրականացման շատ լուրջ հիմքեր է դնում այս մեծածավալ ծրագրի համար», - ասաց Անդրեասյանը:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 9 պատահար. 12 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՀԱՅԱՍՏԱՆԸ ԳՈՐԾՆԱԿԱՆ ՓՈՒԼՈՒՄ Է

«Խաղաղության խաչմերուկ» նախագծում շատ կարեւոր ուղղություններ են հայաստանի հասանելիությունը դեպի հնդկաստան եւ Շոնի երկրներ: Այս մասին ասել է արտաքին գործերի նախարարի տեղակալ Վահան Կոստանյանը՝ ԱԺ մշտական հանձնաժողովների համատեղ նիստում «ՀՀ 2023 թվականի պետական բյուջեի կատարման մասին» տարեկան հաշվետվության քննարկման ժամանակ:

«Սա վերաբերում է նաեւ Հայաստանի հանրապետության նպատակաուղղվածությունը դիվերսիֆիկացնելուն դեպի մեր արտահանման շուկաներ, որը նաեւ պետք է ընդգծել ԵԱՀԿ համատեքստում եւ դեպի Կենտրոնական Ասիա Հայաստանի հանրապետության հետ հաղորդակցության էլ ավելի սահուն ապահովման առումով», - ասաց ԱԳ փոխնախարարը:

Ինչ վերաբերում է Չաբահար նավահանգստի ինտեգրման նախագծին՝ Կոստանյանը տեղեկացրեց, որ այս պահին գործնական փուլ են մտել եւ վարչապետի որոշմամբ ստեղծվել է աշխատանքային խումբ, որը ղեկավարում է Էկոնոմիկայի նախարարը:

ՊԵՆ-Ի ՄԻՋՈՑԱՌՈՒՄՆԵՐԻ ԱՐԳՅՈՒՆՔՆԵՐԸ

ՀՀ պետական եկամուտների կոմիտեն ներկայացնում է մայիսի 1-ից 31-ն ընկած ժամանակահատվածում ՊԵՆ հետաքննության եւ օպերատիվ հետախուզության վարչության իրականացրած հարկային իրավախախտումների կանխման, խափանման եւ բացահայտման ուղղությամբ համալիր օպերատիվ-հետախուզական միջոցառումների արդյունքները:

22 դեպքով արձանագրվել են առանց համապատասխան հաշվարկային փաստաթղթեր դուրս գրելու՝ ընդհանուր 4,508,210 ՀՀ դրամի ՀՀ հարկային օրենսգրքի պահանջների խախտումով ապրանքների տեղափոխման կամ մատակարարման դեպքեր: Հնարավոր տուգանքի գումարը կազմում է 11,000,000 ՀՀ դրամ:

20 դեպքով կազմվել են ապօրինի գործունեությամբ զբաղվելու վերաբերյալ արձանագրություններ: Ապօրինի ձեռնարկատիրական եկամտի չափը կազմել է 14,627,215 ՀՀ դրամ: Հնարավոր տուգանքի գումարը կազմում է 9,011,663 ՀՀ դրամ:

13 դեպքով արձանագրվել են լիցենզավորման կամ ծանուցման ենթակա գործունեությունն առանց լիցենզիայի կամ առանց ծանուցման իրականացնելու կամ առանց թույլտվության կամ առանց լիցենզիայի ընդերք կամ բնական պաշարներն օգտագործելու խախտումներ: Արձանագրված խախտումների գումարը կազմում է 12,240,000 ՀՀ դրամ:

ՏԵԽՆՈԼՈԳԻԿԱԿԱՆ ՄԵԾ ՄԻՋՈՑԱՌՈՒՄ

«ԴԻՋԻԹԵՔ»-Ը՝ ՑՈՒՑԱՆԻՆԻՎԱԿԱՆ ԳԵՍՏՈՒՄ

Աշխարհի ամենամեծ տեխնոլոգիական ցուցահանդեսներից VivaTech 2024-ում այս անգամ «ARMENIA» միասնական աղավաղում ներկայացավ նաև «Դիջիթեք» տեխնոլոգիական ցուցահանդեսը՝ որդես ԱՏՁՄ նախագիծ:

Բարձր տեխնոլոգիական արդյունաբերության նախարարության աջակցությամբ 10 ընկերություններով հայկական պատվիրակությունը «ՀԱՅԱՍՏԱՆ» (ARMENIA) միասնական տաղավարով Փարիզում մասնակցեց Եվրոպայի ամենախոշոր տեխնոլոգիական միջոցառումներից 8-րդ ամենամյա VivaTech միջազգային ցուցահանդեսին: Աշխարհի տարբեր երկրներից 1000-ից ավելի ստարտափներով ու միջազգային հյուրերով ցուցահանդեսում Առաջատար տեխնոլոգիաների ձեռնարկությունների միության թիմը ներկայացրեց հայկական տեխնոլոգիական ներուժն ու հրավիրեց բոլոր այցելուներին հոկտեմբերի 4-6-ին Երեւան՝ բացահայտելու հայկական առաջատար տեխնոլոգիաները, իսկ հոկտեմբերի 4-7-ը՝ մասնակցելու նաեւ WCIT 2024 / DigiTec-ին՝ մասնակցի դառնալու բիզնես շնորհանդեսների, սեմինարների, B2B հանդիպումների՝ «ՄՏԻ ՈՒԺԸ. Արհեստական բանականությունը սահմաններից այն կողմ էթիկայի շրջանակներում» խորագրով: «ARMENIA» միասնական տաղավար են այցելել նաեւ Ֆրանսիայում Հայաստանի դեսպան Հասմիկ Տոլմաջյանը, VivaTech-ի գործադիր տնօրեն Ֆրանսուա Բիտուզեն եւ ԱՏՁՄ-ի թիմի հետ քննարկել տեխնոլոգիական զարգացումների ու նոր հնարավորությունների մասին: ԱՏՁՄ գործադիր Սարգսի Կարապետյանը նշել է, որ Վիվաթեք մեր մասնակցությունը ցույց տվեց, որ մեր DigiTec տեխնոլոգիական ցուցահանդեսը չի զիջում իր որակի կամ մասնակիցների առումով: «Եթե ավելի կարճ բնութագրեմ «Դիջիթեք» իր չափերով փոքր տեղական Վիվաթեք է:

Սակայն, մենք եւս նպատակ ունենք ցուցահանդեսը միջազգային դարձնելու, ուստի հաջորդ տարի աշխատելու ենք այդ ուղղությամբ, որպեսզի որակական փոփոխություններ էլ ունենանք: ԱՏՁՄ-ն այս տարի Վիվաթեքում մի քանի առաքելու-



թյուն ունեն: Նախ «Արմաթ» ճարտարագիտական աշխատանքների արտահանման հետաքրքիր պայմանավորվածություն ունենք Ֆրանսիայում Հայաստանի դեսպանի հետ, որ հետագայում վստահեմ արդյունքներ կտա: Բացի դրանից VivaTech-ի գործադիր տնօրեն Ֆրանսուա Բիտուզեն հետ պայմանավորվել ենք փորձի փոխանակում անել: Դրանից բացի, նաեւ նշեմ, որ ԱՏՁՄ-ն դուրս է գալիս Հայաստանի սահմաններից ու շատ մոտ ապագայում կունենանք այնպիսի ընկերությունների մեր շարքերում, որոնք մեր երկրում չունեն մասնաճյուղեր, սակայն կամ միտք ունեն Հայաստանում գրասենյակ ունենալ, կամ ունեն մեր տեսլականները համընկնում են», - այցն ամփոփել է Սարգիս Կարապետյանը:

«Դիջիթեք» տեխնոլոգիական ցուցահանդեսի գործադիր տնօրեն Խաչատուր Հակոբյանը նշել է, որ 2023-ին ԱՏՁՄ-ն կազմակերպել է միանգամից 2 ցուցահանդես, որոնցից յուրաքանչյուրում մասնակցել է 120 ընկերություն եւ հյուրընկալվել ավելի քան 100 խոսնակ: Իսկ մինչեւ 2023-ի ավարտը մասնակցի ընկերությունները «Դիջիթեք» շնորհիվ կատարել են 100 միլիոն դրամից ավելի գործարքներ, ինչի մասին եւս պատմել են «Վիվաթեքին» զուգահեռ ներթուրքից:

յին հարթակներում. «Վիվաթեքի այցելուներին ու տարբեր երկրների ստարտափներին հատկապես զարմացում էր մեր հայկական տեխնոլոգիական ամենամեծ ցուցահանդեսի ծավալներն ու հաճելիորեն զարմանում էին ցուցահանդեսի տարբեր տարիների տեսանյութերի կադրերից: Մեր տաղավարում հյուրերի համար տպավորիչ էին նաեւ մեր արդյունքները: Մենք էլ նրանց սիրով հրավիրել ենք հոկտեմբերին գալ Երեւան ու իրենց այցելու տեսնելու ու ծանոթանալ հայկական տեխնոլոգիական համայնքին», - փարիզյան այցն ամփոփել է «Դիջիթեք» տեխնոլոգիական ցուցահանդեսի գործադիր տնօրեն Խաչատուր Հակոբյանը:

Հիշեցնենք, որ «Դիջիթեք» տեխնոլոգիական ցուցահանդեսն ամենամյա միջոցառում է, որը 2005 թվականից իրականացնում է Առաջատար Տեխնոլոգիաների Ձեռնարկությունների Միությունը (ԱՏՁՄ)՝ համախմբելով եւ արտացոլելով Հայաստանի տեխնոլոգիական ներուժը, նորարարությունն ու հեռանկարները: Ամեն տարի 80,000 այցելուներով ցուցահանդեսը դարձել է համաշխարհային տեխնոլոգիական միտումներին ծանոթանալու հարթակ: «Դիջիթեք» 2024-ն այս տարի կանցկացվի հոկտեմբերի 4-6-ին՝ «Մերիդիան» էքսպոկենտրոնում:

Fastex

ՇՐՋԱՆԱՎԱՐՏՆԵՐԻ ՀԵՏ ՀԱՆԴԻՊՈՒՄ

Հունիսի 1-ին Պարոնյան 16/2 հասցեում զսնվող Հայաստանի բրոկերին էմբասիում սեղի է ունեցել 10-րդ Fastex Meetup-ը: Հանդիպման ընթացքում Cerebrum Intellectus-ի օրգանավարներն ամփոփել են դասընթացների օրգանակում ձեռք բերված գիտելիքները, ծանոթացել են NFT-ի, Web3-ի, ինչդեռ նաև բիզնես ոլորտի ներկայացուցիչների հետ: Cerebrum Intellectus-ի օրգանավարները սուսցել են Dream Factory-ի Dream փաթեթի եռամսյա բաժանորդագրություն: Մասնակիցները հնարավորություն կունենան դասընթացների ժամանակ ձեռք բերված գիտելիքները կիրառել գործնականում:

Cerebrum Intellectus-ի առաջիկա դասընթացներին մասնակցելու համար

գրանցման մեկնարկը նույնպես տրվել է: 10-17 տարեկան պատանիների համար կազմակերպված այս աննախադեպ դասընթացները վարում են փորձառու արվեստագետներ եւ բիզնես ոլորտում գործունեություն ծավալողներ: Հիշեցնենք, որ Cerebrum Intellectus-ում խմբերի բաշխումը կատարվում է ըստ տարիքի:

Երկու ամիս տեւող դասընթացի շրջանակում երիտասարդները հնարավորություն են ստանում ծանոթանալու թվային արվեստի եւ բիզնես ոլորտի նրբություններին, ձեռք բերելու բազում հմտություններ եւ կյանքի կոչելու սեփական գաղափարները:

Fastex-ի տեղեկատվական հանդիպումների շարքը շարունակվում է: Հաջորդ հանդիպման մանրամասները բաց չթողնելու համար անհրաժեշտ է հետեւ-

ել Fastex Armenia եւ ftnft.am պաշտոնական էջերին:

Fastex-ի մասին Fastex-ն արագ զարգացող Web3 էկոհամակարգ է, որն իր օգտատերերին տրամադրում է բազմաթիվ հնարավորություններ եւ հարմարավետ միջավայր՝ առաջարկելով Fastex Exchange փոխանակման հարթակը, Fastex Pay կրիպտո վճարային միջոցը, Fastexverse վիրտուալ 3D իրականությունը եւ fNFT հարթակը՝ իր ֆիջիթալ տարածքներով:

Fastex-ը կարելի է անվտանգ եւ հուսալի միջավայրի ապահովումը բոլոր օգտատերերի համար համաշխարհային թվային ֆինանսների զարգացող ոլորտում՝ մշտապես հետեւելով առկա կանոնակարգերին:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

«ԱՐԱՄ ԽԱՉԱՏՐՅԱՆ-120»

ՄԻՋՈՑԱՌՈՒՄՆԵՐԻ ԱՄՓՈՓԻՉ ՄԱՄՈՒԼԻ ԱՍՈՒԼԻՍ

Մամուլի ասուլիսի բանախոսներն են եղել ՀՀ ԿԳՄՍ նախարար Ժաննա Անդրեասյանը, Հայաստանի ազգային ֆիլհարմոնիկ նվագախմբի գեղարվեստական ղեկավար և գլխավոր դիրիժոր Էդուարդ Թովչյանը, Ա. Մոլենդիարյանի անվան օդերայի և բալետի ազգային ակադեմիական բասրոնի փոխնախագահ Կարինե Կիրակոսյանը, Արամ Խաչատրյանի սուֆ-բանգարանի սֆորտն Արմինե Գրիգորյանը, «Հայաստանի դեսական սիմֆոնիկ նվագախումբ» ՊՈԱԿ-ի սֆորտն Սարգիս Բալբաբյանը, «Արամ Խաչատրյան» մշակութային հիմնադրամի գործադիր սֆորտն Մարինե Թովմասյանը, «Հայաստանի դեսական ֆիլհարմոնիկ» ՊՈԱԿ-ի սֆորտն Արսյուն Եղազյանը:



Ասուլիսի ընթացքում բանախոսները ներկայացրել են հոբելյանական տարվա ընթացքում իրականացված ծրագրերը: Դրանց իրականացմանը ներգրավված են եղել ՀՀ ԿԳՄՍ նախարարության ելակայության կազմակերպությունները՝ Ա. Սպենդիարյանի անվան օպերայի և բալետի ազգային ակադեմիական թատրոնը, Հայաստանի ազգային ֆիլհարմոնիկ, Հայաստանի պետական սիմֆոնիկ նվագախմբերը, Արամ Խաչատրյանի տուն-թանգարանը, Հայաստանի պետական ֆիլհարմոնիան, ինչպես նաև «Արամ Խաչատրյան» մշակութային հիմնադրամն ու այլ կառույցներ:

Երբ գաղափարներ և առաջարկներ տարվա ընթացքում իրականացվելիք ծրագրերի մասին, այնուհետև, դրանք մանրամասն քննարկելով, հաստատել է վերջնական ծրագիրը, որում ներառվել են 21 հիմնական միջոցառումներ: Արամ Խաչատրյանի ծննդյան 120-ամյակը պատշաճ կերպով ներկայացնելու համար, ընդհանուր առմամբ, տրամադրվել է 464 մլն դրամ: «Հոբելյանական ծրագիրը մի քանի կարևոր ուղղություններ ուներ. առաջինը՝ մեր տարբեր ստեղծագործական խմբերի հյուրախաղերի միջոցով նրա արվեստի ներկայացումն էր տարբեր երկրներում՝ այդպիսով ստեղծելով հնարավորություն՝ ամենահեղինակավոր բեմերում հնչեցնելու Խաչատրյանի արվեստը: Այդ իմաստով փորձել ենք հնարավորինս ընդգրկել աշխարհագրությունն ունենալ: Մյուս կարևոր ուղղությունը մրցութային ծրագրերն են. Խաչատրյանի անվան միջազգային մրցույթի մեկնարկն ավանդաբար տրվում է նրա ծննդյան օրը, և նախորդ տարի մեծ հանդիսավորությամբ այն իրականացվեց»,- նշել է նախարարը՝ ընդգծելով, որ նաև տարբեր փառատոներ են անցկացվել ոչ միայն Հայաստանում, այլև ՀՀ սահմաններից դուրս:

Ժաննա Անդրեասյանն առանձնահատուկ կարևորել է մարզերում իրականացված համերգային ծրագրերը՝ ընդգծելով, որ հոբելյանական տարին նշվել է ոչ միայն արտերկրում և Երեւանում. դրա կարևոր մասն են կազմել մարզային համերգները: Ժաննա Անդրեասյանը կարևորել է Արամ Խաչատրյանի տուն-թանգարանի դերը հրատարակչական ուղղությամբ, մասնավորապես՝ գիրք-ալբոմի հրատարակությունը, ինչպես նաև նրա ստեղծագործությունների նոտային գրականության վերահրատարակումը:

ՀՈՐԻ ԲԱՐՈՒՍԱՐՅԱՆ

ՆՈՐՈՒԹՅՈՒՆՆԵՐ

ԳԻՏԱՄԵԹՈՎԱԿԱՆ ԱՐՏԱԳՆԱ ՆԻՍՏ

ՀՀ ԿԳՄՍ նախարարությանը կից գիտամետթոդական խորհրդի յոթերորդ, արտագնա նիստը տեղի է ունեցել Տավուշի մարզում:

Դիլիջանի Գորկու 3/1 հասցեում գտնվող հանրապետական նշանակության հուշարձանի՝ օտարման ոչ ենթակա համարվող Աղասի Խանջյանի ամառանոցի (ՀՀ կառավարության 2007 թ. մարտի 15-ի 385-Ն որոշում, պետ. ցուցիչ՝ 10.3.130) տարածքում կայացած նիստին, բացի գիտամետթոդական խորհրդի անդամներից, ներկա են եղել նաև հրավիրված անձինք:

Տեղում ներկայացվել են ՀՀ ճարտարապետների, երկրաբանների, երկրաֆիզիկոսների, կոնստրուկտորների և այլ մասնագետների կատարված ուսումնասիրությունների արդյունքները՝ ուղղված հուշարձանի հնարավոր վերականգնմանը: Նիստի ընթացքում հնչել են կարծիքներ՝ հուշարձանը տեղում ամրակայելու, ինչպես նաև տեղափոխման և վերստեղծման հնարավորության վերաբերյալ մասնագիտական առաջարկներ:

Հաջվի արևելյան շինության ներկա վիճակը, տեղազնության արդյունքում ճար-

տարապետների և կոնստրուկտորի ներկայացրած դիտողությունները՝ որոշվել է շարունակել սողանքների ու գրունտների հետ կապված ուսումնասիրությունները և դրանց ավարտից հետո նախարարություն ներկայացնել համապատասխան էսքիզային առաջարկ:

ՀԱՎԱՔԱԾՈՒՆ՝ ՏՐԵՏՅԱՆՈՎՅԱՆ ՊԱՏԿԵՐԱՄԱՐԱՀՈՒՄ

Մոսկվայի Տրետյակովյան պատկերասրահում տեղի կունենա «Մոսկվա-Երեւան-Մոսկվա. Ռուսական արվեստի թանգարանը (պրոֆ. Ա. Աբրահամյանի հավաքածու)՝ Երեւանում» ցուցահանդեսի բացման հանդիսավոր արարողությունը: Այն նվիրված է Ռուսական արվեստի թանգարանի հիմնադրման 40 և թանգարանի հիմնադիր, պրոֆեսոր, բժիշկ, ԽՍՀՄ աշխատանքային հերոս, Մոսկվայի պատվավոր քաղաքացի Արամ Աբրահամյանի ծննդյան 125-ամյակներին:

Ցուցահանդեսը, որում ներկայացված է Ռուսական արվեստի թանգարանի հավաքածուի յուրահատուկ ընտրանին, նպատակ ունի մոսկվայի արվեստասեր հան-

րությանը ներկայացնելու թանգարանը, բացահայտելու բժիշկ-կոլեկցիոների հավաքածուն առկա հայտնի նկարիչների դեռևս չցուցադրված աշխատանքները: Ցուցադրության 2 սրահները ներառում են բազմաթիվ հայտնի նկարիչների գրաֆիկական և գեղարվեստական աշխատանքներ: Մոսկվայի հանրությանը Երեւանի Ռուսական արվեստի թանգարանը ներկայանում է այնպիսի հայտնի անուններով, ինչպիսիք են Կ. Կորոլինը, Բ. Գրիգորիենը, Վ. Սերովը, Ն. Ռեբինը:

Ցուցահանդեսի շրջանակում երկու թանգարանների աշխատանքային համագործակցությամբ հրատարակվել է նաև պատկերագիրք, որը գիտահետազոտական աշխատանքի կարևոր արդյունք է:

Պրոֆեսոր Աբրահամյանը հավաքել է «Արծաթե դարաշրջանի»՝ 19-րդ դարավերջի և 20-րդ դարասկզբի ինչպես ռուսական, այնպես էլ հայկական կերպարվեստի ստեղծագործություններ: Մեծանուն բժիշկը որոշում է իր հավաքածուն նվիրել Հայաստանին: Արդյունքում 1984 թ. Երեւանում պաշտոնապես այցելուների առջև իր դերերն է բացում «Պրոֆ. Ա. Հ. Աբրահամյանի հավաքածու» թանգարանը:

ՄԱՐԶԱԿԱՆ

ԽԱՂԸ ՎԵՐԼՈՒԾԵԼՈՒ ԵՅՈՒԹ ՏՎԵՑ

Սլովենիայի հավաքականի գլխավոր մարզիչ Մատյաժ Կեկն ամփոփել է Հայաստանի ընտրանու դեմ խաղի արդյունքը:

«Ցանկալի հաղթանակ էր թիմային մթնոլորտի և երկրպագուներին ուրախացնելու համար: Այս խաղը վերլուծելու շատ նյութ տվեց: Նույնիսկ այն փաստը, որ մենք խաղում էինք առանց մեկնարկային կազմի մի քանի ֆուտբոլիստների, չի կարող արդարացնել չափազանց շատ սխալները, մենապայքարներում պարտությունները և «երկրորդ գնդակի» համար պայքարում պասիվությունը:

Այս խաղը մեզ շատ բան ցույց տվեց: Մենք ստիպված էինք փոխել տակտիկան, բայց պետք է հաղթենք նման խաղերը և հաղթեցինք»,- նշել է մարզիչը:

ՖՈՒՏԲՈՒԼ ՄԻԱՄԵԱԿԱՆ ՀԱՅՏ

Վրաստանի ֆուտբոլի ֆեդերացիայի նախագահ Լեան Կոբիաշվիլին կարելու է միասնական հայտը, որով Հայաստանն ու Վրաստանը կդիմեն ՖԻՖԱ-ին՝ 2029 թվականի երիտասարդների աշխարհի առաջնությունը հյուրընկալելու համար:

«Ուրախ եմ այսօր այստեղ լինելու և այս կարևոր նորությունը հայտնելու համար: Մենք եղբայրական պետություններ ենք, պատմական հարեաններ: Ուրախ եմ, որ միասնական հայտով դիմելու ենք աշխարհի 2029 թվականի առաջնությունը հյուրընկալելու համար», - լրագրողների հետ հանդիպման ժամանակ ասաց Կոբիաշվիլին:

Վերջինիս խոսքով՝ ինքը ոչ միայն Վրաստանի ֆուտբոլի ֆեդերացիայի նախագահն է, այլ նաև ՌԻՖՖԱ-ի գործկոմի անդամ է, և Եվրոպական ասոցիացիան ամեն կերպ իր աջակցությունն է հայտնել ՀՀՖ նախաձեռնություններին:

«Երկու երկրներն էլ փորձառու են միջազգային մրցաշարեր հյուրընկալելու առումով: Իսկ թե ինչ է պետք աշխարհի երիտասարդների առաջնության հյուրընկալության համար, ապա կարող եմ ասել, որ շատ կարևոր են ենթակառուցվածքները: Երկու երկրներին համար շատ կարևոր կլինի աշխարհի երիտասարդների առաջնության հյուրընկալումը: Վստահ եմ միասին կկարողանանք համաշխարհային ֆուտբոլը բերել մեր երկրներ», - ասաց նա:

Հայաստանը և Վրաստանը միասնական հայտով կդիմեն ՖԻՖԱ՝ ֆուտբոլի աշխարհի 2029 թվականի երիտասարդների առաջնությունը հյուրընկալելու համար: ՌԻՖՖԱ-ն հաստատել է աջակցությունը Հայաստանի և Վրաստանի միասնական հայտին:

Աշխարհի երիտասարդների առաջնության անցկացման վայրը պարզ կլինի 2025 թվականին:

● Հունիսի 8-ին՝ ժամը 19:30-ին, Բոհեմ թատրոնում տեղի կունենա Ռաֆայել Երանոսյանի՝ «Փախլեան» մոնոներկայացումը: Տոմսերի արժեքը՝ 3000-8000 դրամ:



ԿՐԹԱԿԱՆ

ՀԱՐՑ. Ուզում եմ իմանալ, թե ինչդեպ է որ լեզվով է իրականացվում ազգային փոփոխությանը ողականող սովորողի ընդունումն ու ուսուցումը հաստատությունում:

Անի Մխիթարյան (46 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ ՀՀ ԿԳ նախարարի N 1640-Ն /24.11.2010թ./ հրամանով հաստատված «Դպրոցական տարիքի երեխաներին հանրակրթության մեջ ընդգրկելու, սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման և հանրակրթական ուսումնական հաստատություններից սովորողին այլ ուսումնական հաստատություն տեղափոխելու, ազատելու կարգի» 5-րդ կետի համաձայն՝ «Ազգային փոքրամասնությանը պատկանող սովորողի ընդունումը հաստատություն կարող է կատարվել սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում (դասարանում), իսկ դրա բացակայության դեպքում ուսուցման լեզվի ընտրությունը կատարում է սովորողի ծնողը (որա օրինական ներկայացուցիչը): Եթե ազգային փոքրամասնությանը պատկանող սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում լիցենզիայով տրված սահմանային տեղերը լրացած են, և տվյալ բնակավայրում բացակայում է այլ հաստատությունում ազգային (մայրենի) լեզվով ուսուցման հնարավորությունը, ապա սովորողի ընդունելությունը տվյալ հաստատություն իրականացվում է՝ անկախ լիցենզիայով տրված սահմանային տեղերի սահմանափակումից»:


ՀՀ կրթության, գիտության, մշակույթի և սպորտի նախարարություն

«ԺՈՂՈՎՈՒՐԳ». Օտարերկրյա քաղաքացիները, երկքաղաքացիները, քաղաքացիություն չունեցող անձինք (նրանց օրինական ներկայացուցիչը), ինչպես նաև այն դեպքում, երբ ծնողներից մեկն է Հայաստանի Հանրապետության քաղաքացի, իրենք են ընտրում իրենց երեխայի ուսուցման լեզուն:

ՍՈՑԻԱԼԱԿԱՆ

ՀԱՐՑ. Հետաքրքիր է իմանալ՝ երբ է մեծվում կենսաթոշակ նշանակելը:

Միրան Մնացականյան (43 տարեկան)



ՊԱՏԱՍԽԱՆ. Կենսաթոշակ նշանակելը մերժելու մասին որոշում կայացվում է, եթե՝

- անձը չունի կենսաթոշակի իրավունք,
- կենսաթոշակի իրավունք ունեցող անձը, ըստ Հայաստանի Հանրապետության բնակչության պետական ռեգիստրում առկա տվյալների, հաշվառված չէ Հայաստանի Հանրապետությունում բնակության վայրի հասցեով,
- ներկայացված փաստաթղթերը և պետական կենսաթոշակային համակարգի տվյալների շտեմարանի տվյալները բավարար չեն անձին կենսաթոշակ նշանակելու համար:

ՀՀ աշխատանքի և սոցիալական հարցերի նախարարություն

«ԺՈՂՈՎՈՒՐԳ». Կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների և նրա հաշվառման վայրի մասին նշում պարունակող էջերի պատճենները:

ԼՈՒՐ ԿԱԴՐ

Լուսանկարը՝ համացանցից



Փրկարարական ծառայողների ջանքերով հունիսի 5-ին՝ ժամը 18:30-ի սահմաններում, վերակառուցվել է հետիոտնային կամուրջը, որը հնարավոր է դարձրել Սանահին կայարան բնակավայրի բնակիչների տեղաշարժը և ապահովել է կապը բնակավայրի հետ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+8 + 12 +22 + 26	☀	Արարատ	+16 + 18 +31 + 33
☀	Կոտայքի լեռներ	+8 + 12 +23 + 26	☀	Արմավիր	+16 + 18 +31 + 33
☀	Կոտայքի նախալեռներ	+15 + 17 +28 + 30	☀	Վայոց ձորի լեռներ	+8 + 11 +22 + 24
☀	Գեղարքունիք	+10 + 13 +21 + 24	☀	Վայոց ձորի նախալեռներ	+16 + 18 +31 + 33
☀	Լոռի	+9 + 13 +24 + 27	☀	Սյունիքի հովիտներ	+18 + 22 +29 + 32
☀	Տավուշ	+15 + 17 +28 + 31	☀	Սյունիքի նախալեռներ	+13 + 15 +25 + 28
☀	Արագածոտնի լեռներ	+9 + 13 +21 + 24	☀	ԼՂՀ	+13 + 14 +25 + 26
☀	Արագածոտնի նախալեռներ	+15 + 18 +28 + 31	☀	Երեւան	+23 + 25 +29 + 31

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 5.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: